

PROTOKOLL NR. : 03 i tingperioden 2013-2015

FRÅ : Langrennskomiteen

STAD/DATO : Skei, 04. september 2014

TIL STADES : Arthur Hegrenes, Oddmund Lefdal, Jo Inge Skålbones og
Yngve Thorsen (adm.)

FRÅFALL : Torunn Grut og Eivind Skaar

ANDRE OPPL. : Krinslagstrener Asgeir Årdal var kalla inn til møte i samband med
Sak 22 og 23, men hadde ikkje høve til å møte.

REFERENT : Yngve Thorsen

SAKER :

Sak 21 13-15 Godkjenning av innkalling, sakliste og protokoll nr. 02 13-15

Sak 22 13-15 Ambulerande trenar 2014-2015

Sak 23 13-15 Orientering om krinslagsaktiviteten 2014-2015

Sak 24 13-15 Arbeid med etablering av Team Vest

Sak 25 13-15 Møteplan Langrennskomiteen 2014-2015

Sak 26 13-15 Terminliste 2014-2015

Sak 27 13-15 Status Handlingsplan 2013-2014

Sak 28 13-15 Handlingsplan 2014-2015

Sak 29 13-15 Markedsarbeid 2014-2015

Sak 30 13-15 Rekneskap pr. 27.08.2014

Eventuelt

Sak 31 13-15 Haustmøtet 2014

Sak 21 13-15 Godkjenning av innkalling, sakliste og protokoll nr. 02 13-15

Bakgrunn

Innkalling, sakliste og protokoll nr. 02 13-15 er utsendt på førehand.

Vedtak

Langrennskomiteen godkjenner innkalling, sakliste og protokoll nr. 02 13-15.

Sak 22 13-15 Ambulerande trenar 2014-2015

Bakgrunn

Vinteren 2014 la langrennskomiteen til rette for prosjektet «Ambulerande trenar» med Asgeir Årdal som trenar.

Intensjonen med prosjektet er å samle utøvarar i alderen 13-16 år til felles trening i skikrinsen sine tre soner.

Vinteren 2014 la ein til rette for sonetreningar i Nordfjord og Sogn slik;

- Sogn: Onsdag 04. desember 2013
 Onsdag 18. desember 2013
 Torsdag 09. januar 2014
 Torsdag 06. februar 2014
 Onsdag 26. februar 2014
 Torsdag 20. mars 2014

- Nordfjord: Tysdag 03. desember 2013
 Tysdag 17. desember 2013
 Tysdag 14. januar 2014
 Tysdag 04. februar 2014
 Tysdag 25. februar 2014

Følgjande skigrupper var del av prosjektet 2013-2014;
Hafslo IL, Syril IL, Sogndal IL, Luster IL, Årdalstangen IL, IL Bjørn,
Kaupanger IL, Markane IL, Eid IL, Fj./ Vereide IL og Breimsbygda IL.

Det vart ikkje lagt til rette for sonetrening i Sunnfjord.

I det vidare arbeidet med prosjektet ynskjer langrennskomiteen å fortsette samarbeidet med Asgeir Årdal på trenarsida, og at ein legg til rette for sonetreningar (etter same modell som vinteren 2014) f.o.m. oktober 2014.

Vedtak

I samråd med Asgeir Årdal, gjer komiteen vedtak om å vidareføre prosjektet sesongen 2014-2015.

Ein gjer vidare vedtak om at prosjektet vert starta opp igjen primo oktober.

Med bakgrunn i utviding av konseptet gjer komiteen vedtak om å auke laga sin eigendel frå kr. 1 500,- til kr. 3 000,-.

Sak 23 13-15

Orientering om krinslagsaktiviteten 2014-2015

Bakgrunn

Krinslagstrenar Asgeir Årdal hadde ikkje høve til å delta på møtet.

Vedtak

Saka vert utsett til neste møte i komiteen.

Sak 24 13-15

Arbeid med etablering av Team Vest

Bakgrunn

Leiar orienterte komiteen om arbeidet med etablering av Team Vest:

- intensjon og målsetjing med Team Vest
- møteplan
- Einar Tefre (Førde IL) er knytta til prosjektet som ressursperson på vegne av langrennskomiteen i Sogn og Fj. Skikrins
- målgruppe for teamet (U23)
- tal utøvarar i teamet er 10-12 stk.
- utøvarane sitt sportslege nivå

- framdriftsplan
- økonomi/budsjett
- markedsarbeid (barteravtalar m.m.)

Vedtak

Langrennskomiteen tek saka til orientering.

Sak 25 13-15

Møteplan Langrennskomiteen 2014-2015

Bakgrunn

Leiar gjer saman med adm. sjef framlegg om at komiteen skal fastsette møteplan for sesongen 2014-2015.

Vedtak

Komiteen gjer vedtak om følgjande møteplan sesongen 2014-2015:

- Haustmøte; Skei Hotell, 29. oktober 2014
- Møte langrennskomiteen; Skei Hotell, 17. november 2014
- Møte langrennskomiteen; Skei Hotell, 09. februar 2015
- Møte langrennskomiteen; Skei Hotell, 13. april 2015
- Skikrinstinget og Vårmøte; Tid og stad vert fastsett av Skikrinsstyret

Sak 26 13-15

Terminliste 2014-2015

Bakgrunn

Rammene for terminlista 2014-2015 vart lagt fram på Vårmøte 2014. Deretter vart terminlista sendt til høyring i laga 01. juli, med svarfrist 01. september 2014

Pr. 01. september er det komt inn følgjande innspel til terminlista:

Førde IL, langrennsgruppa

Gjer følgjande innspel pva. FIL langrenn:

Sak nr. 11. Terminliste

Samrøystes vedtak: Arne melder inn til Sogn og Fjordane Skikrins fylgjande ynskje:

- *Flytte Kalsetrennet frå 22. februar til 1. mars (dvs. at Honndalsrennet vert flytta frå 1. mars til 22. februar)*
- *SSF Cup Førde IL får status som jr + rekrutt.*

Markane IL, langrennsgruppa

Me i skigruppa har diskutert terminlista og lurar på om det er mulig å få til ei helg med stafettar på programmet?

Vi kunne kanskje hatt ei dobbelhelg, men veit av erfaring at det er vanskelig å få funksjonærar helga etter nyttår, så viss Markane skal ha dobbelt helg denne sesongen trur eg me må bytte helg med ein annan arrangør. F.eks med Sogndal. Eller kanskje eit anna iddrettslag er interessert og vil ta det på seg?

Mvh Sigbjørn

Syrl IL, langrennsgruppa

Hei!

Vi ønskjer eit SSF karusellrenn 7. mars på Kleppa el Øvstestølen (100 meter høgare). Etter det eg kan sjå er det ein ledig dag i terminlista.

Har vore i kontakt med Kaupanger. Dei ønskjer også å spele inn ein dato, men veit ikkje om dei får gjort det før møte.

Helsing

Eivind Brendehaug

Kaupanger IL, langrennsgruppa

Hei Oddmund

Innspill terminliste langrenn:

Du kan sette opp Kaupanger IL som arrangør av SSF karusell renn tirsdag 17. mars.

Mvh

Svein Romstad

Kaupanger IL

Vedtak

Langrennskomiteen gjer følgjande vedtak i saka:

Vedtak 1) Innspel Førde IL, langrennsgruppa

Langrennskomiteen gjer vedtak om å flytte Kalsetrennet til 01. mars, og Honndalsrennet til 22. februar.

SSF Cup arrangementet i Førde IL 07. februar får ikkje status som SSF Cup rekrutt. Bakgrunn for vedtaket er knytt til komiteen sitt ynskje om å stimulere flest mogleg langrennsgrupper med arrangement med status i SSF Cupen, og dermed oppretthalde god deltaking hjå flest mogleg arrangørar.

Vidare er Førde IL tildelt SSF Cup Finale 22. mars, dette arrangementet har status både som SSF Cup rekrutt og junior.

Vedtak 2) Innspel Markane IL, langrennsgruppa

Langrennskomiteen gjer vedtak om at Markane IL avviklar Ullsrennet 10. januar (friteknikk SSF Cup rekrutt/ junior), samt krinsstafett 11. januar (K-F-F)

Hodlekverrennet vert dermed flytta til 04. januar (klassisk/ SSF Cup rekrutt)

Vedtak 3) Innspel Syrl IL, langrennsgruppa

Langrennskomiteen gjer vedtak om at Syrl IL avviklar SSFkarusell 07. mars. Arrangøren bestemmer stilart.

Vedtak 4) Innspel Kaupanger IL, langrennsgruppa
Langrennskomiteen gjer vedtak om at Kaupanger IL avviklar SSFkarusell
tysdag 17. mars.

Arrangøren bestemmer stilart.

Vedtak 5) Innspel langrennskomiteen
Jamfør samarbeidsavtale med SFE skal tre arrangement terminfestast med
smørhjelp. I tillegg skal ein vurdere eige smørjekurs på Skei ila. hausten
2014.

Vedtak 6) Innspel langrennskomiteen
Terminlista vert endeleg handsama i samband med Haustmøtet til
Langrennskomiteen, 29. oktober 2014.

Sak 27 13-15

Status Handlingsplan 2013-2014

Bakgrunn

Oppdatert Handlingsplan 2013-2014 er utsendt på førehand.
Leiar presenterte status for handlingsplanen 2013-2014.

Vedtak

Langrennskomiteen tek saka til orientering.

Sak 28 13-15

Handlingsplan 2014-2015

Bakgrunn

Langrennskomiteen sin handlingsplan byggjer på Sogn og Fjordane Skikrins
sin Strategiplan 2013-2017.

Strategiplanen dannar såleis grunnlaget for langrennskomiteen sine årlege
handlingsplanar.

Strategiplanen har prioriterte mål innanfor kvart strategiområde, og
handlingsplanen skal ha prioriterte tiltak for å følgje opp strategiplanen sine
mål og verkemiddel.

Summen av komiteen sine årlege handlingsplanar i heile strategiperioden
skal gje skikrinsen størst mogleg grad av måloppnåelse.

Vedtak

Med bakgrunn i skikrinsen sin Strategiplan 2013-2017 samt status i arbeidet
med handlingsplan 2013-2014, får leiar og adm. sjef fullmakt til å utforme
langrennskomiteen sin handlingsplan for 2014-2015.

Framlegg til handlingsplan for perioden 2014-2015 skal leggst fram i
samband med møte i langrennskomiteen 17. november 2014.

Sak 29 13-15

Markedsarbeid 2014-2015

Bakgrunn

Sogn og Fjordane Skikrins Langrenn har i dag følgende markedsavtaler;

Verksemd	Grein	Varigheit	Går ut
ByggTeam	Langrenn	2 år	2015
Sparebanken S. og Fj	Langrenn	3 år	2015
G-Sport/Erdal Sport AS	Langrenn	2 år	2016
SFE	Hopp/langrenn	2 år	2016

Mange av dei viktige samarbeidsavtalane til Sogn og Fjordane Skikrins er i ferd med å nærme seg frist for reforhandling. Fram til våren 2015 må arbeidet innanfor markedsområdet difor rettast mot reforhandling av eksisterande markedsavtalar.

I første fase må følgjande verksemdar følgjast opp m.o.t. reforhandling;

- Sparebanken Sogn og Fjordane
- ByggTeam AS

Elles er samarbeidsavtalen med SFE ferdig reforhandla for 2 nye år. Denne avtalen har ein verdi på xx xxx,- i kontantstraum pr. år i avtaleperioden. I avtalen er SFE hovudsponsor for hopp- og kombinertkomiteen, samt sponsor for langrennskomiteen.

I møte 29.-30. august 2014 har Skikrinsstyret gjort vedtak om at fordelingsnøkkelen i høve samarbeidsavtalen med SFE skal vere; 70% til hopp- og kombinert og 30 %til langrenn (av kontantstraumen)

Forøvrig har Skikrinsstyret også gjort vedtak om at markedsnemnda skal gjere ei fordeling av oppfølgingsansvaret vedr. samarbeidsavtalane som skal reforhandlast i 2014/2015.

Vedtak

Langrennskomiteen tek saka til orientering.

Sak 30 13-15

Rekneskap pr. 27.08.2014

Bakgrunn

Rekneskapsrapport pr. 27.08.2014 er utsendt på førehand.

Adm. la fram rapporten.

Vedtak

Langrennskomiteen tek saka til orientering.

Eventuelt

Sak 31 13-16

Haustmøtet 2014

Bakgrunn

Skikrinsstyret har fastsett tidspunkt for Haustmøtet 2014 til 29. oktober, møtet vert avvikla på Skei, Skei Hotell.

I samband med møtet deltek Sportssjef i NSF Åge Skinstad.



Vedtak

Langrennskomiteen gjer vedtak om at Åge Skinstad t.d. kan innleie om følgjande tema på komiteen sitt fagmøte;

- Etablering av NSF sine regionale team
- Rulleski og trafikktryggleik
- NSF sin «Kunnskapstrailer»
- Arrangement (tidsriktige- og attraktive arrangement)

Med venleg helsing
Sogn og Fjordane Skirins

Arthur Hegrenes (s)
Leiar langrennskomiteen

Yngve Thorsen (s)
Adm. sjef